

Crisis Theologica

Cárdenes, Juan de

Sevilla, 1687

Cap. I. Præmittuntur aliqua vbi an teneatur quis per se confiteri
consuetudinem peccandi?

[urn:nbn:de:hbz:466:1-75689](#)

supernaturalis quo admodum, possit de facto deservire ad iustificationem in Sacramento. Nam cum intellectus cognoscit illud obiectum supernaturale, tunc voluntas potens attingere illud actu naturali, & supernaturali; si habeat à Dèo immissum concursum ad utrumque actum, poterit elicere utrumque. Cum autem voluntas nunquam eliciat duos actus circa idem omnino obiectum, philosophandum est in hac materia, sicut philosophamur circa duos actus solo numero distinctos circa idem obiectum. Sicut ergo dicimus, voluntatem non elicere hos duos actus numero distinctos, quia Deus præstat concursum ad unum, & non ad alios; sic enim determinat Dens quoad individuum: sic similiter circa idem obiectum super naturale non habet voluntas eos duos actus supernaturalem, & entitative naturalem; quia cum intellectus cognoscit obiectum supernaturale, cum voluntas non possit duos actus elicere circa illud, Deus determinat offerendo concursum ad actum entitative supernaturalem, & negando concursum alteri.

10. Et quod attinet ad secundam quæstionem non sufficere ad valorem Sacramenti Pœnitentiae attritionem naturalem, constat, vt dixi, ex hac damnatione. Et oppositam opinionem reprobant Authores non pauci, vt notavi in ea disp. 71. cap. 3. Nam P.

Vazq.
Caf.
Pal.
Fagud.

Vazquez 3. part. quæstione 92. art. 2. num. 9. affirmit, ei deficere fundamentum probabilitatis. P. Castro Palao tom. 1. tract. 23. disputatione vnic. punct. 7. nu. 5. eam reprobat, per eum terminum convincitur. P. Fagundez lib. 2. in 2. Eccles. præcep. cap. 5. num. 6. negat esse probabilem.

11. Ostenditur falsitas propositionis damnae. Nam, vt loquitur Trident. sess. 12. cap. 3. de Sacram. Pœnitentiae. Actus pœnitentiae, quatenus in-

penitente ad integratam sacramenti, ad plenamque, & perfectam peccatorum remissionem ex Dèi institutione requiruntur, hac ratione pœnitentiae partes dicuntur. Ex quibus verbis constat, quod attritio (vel contritio) quatenus requiritur ad iustificationem, est pars Sacramenti: sed attritio, quatenus requiritur ad iustificationem, est donum Dèi, & impulsus Spiritus Sancti: ergo pars Sacramenti est donum Dei, & impulsus Spiritus Sancti. Sed attritio naturalis non est donum Dei, neque impulsus Spiritus Sancti: ergo attritio naturalis nequit esse pars essentialis Sacramenti; atque adeo tale Sacramentum est invalidum.

(* * * * *)

DISERTATIO XXXVII.

An confessario interroganti teneatur pœnitens fateri confitendum peccandi?

CAPUT I.

*Premittuntur aliqua ubi an te-
neatur quis per se confiteri
confitendum pec-
candi?*

SUMMARIUM.

*Refertur propositio damnata n. 1.
An bene tribuatur talis propositio P.
Granado n. 2.
An sit opus aliquando confiteri bis
idem peccatum n. 3.
Quid dicendum de obligatione confes-
sarij in ordine ad absolutionem pœ-
nitentis rite dispositi? n. 4 & 5.
An debeat fidem habere afferenti se
esse ritè dispositū ad absolutionem?
num. 6.*

Rete

Pro-

1. **P**ropositio quinquagesima octava ex damnatis in hoc decreto hæc est. *Nemo tenetur confessario interroganti fateri peccati alicuius consuetudinem.* Hanc docuit & multis probare conatus est Ioannes Sanctius in select. disp. 9. adeò ut asseruerit, interrogatum à confessario de cōsuetudine posse negare cum æquivoicatione. Et contra ipsum dixit Lugo Card. disp. 14. de pœnit. sect. 10 n. 172. *Hoc est contra omnes Theologos, contra praxim Ecclesiæ, & contra finem huius Sacramenti.* Et merito, ut ex dicendis constabit.

Sanc.

Lugo.

2. Mag. Hozes in exposit. huius Gran. prop. citat pro hac opinione damnata P. Cranadum in tract. 9. de Pœnit. disp. 9. num. 16. vellem tamen, ut legisset textum P. Granadi, & non adeo fideret citationibus aliorum, maxime in re tanti præjudicij. Nam in primis P. Granadus ia eo loco neque unū verbum habet de consuetudine confitenda, aut neganda, tolum enim ibi agit de circumstantia quantitatis in furto: de qua proposuerat obiectionem Sotii contra agravantes circumstantias non confitendas. Quam solvit his verbis: *Respondetur, nunquam esse licitum metiri in confessione; & interdum iam diximus accidere posse ut pœnitens eas circumstantias confiteri teneatur: Vnde se confessarius interrogat ex causa rationabili; & ad confessionem necessaria, non dubium est, quin pœnitens omniro teneatur veritatem declarare.* Ex quibus verbis colligit lector, quam longe distet P. Granado à propositione damnata. Sicut, & P. Suarez, cui Filguera attribuit propositionem damnatam: de quo inferius loquar.

3. Fundamentum præcipuum Sancij est *Quia nemo tenetur confiteri bis idem peccatum: sed quis post multa peccata, v.g adulteria diuturno tempore patrata, & iam confessioni ex-*

posita, reincidit ter, vel quater, si haec tria, vel quatuor peccata confitentur de præsenti, & cogitur confiteri consuetudinem antecedentem; cogitur utique ad confitenda peccata præterita in tali consuetudine inclusa: ergo nullo modo tenetur ad talem consuetudinem confitendum.

4. Secundum fundamentum est. Nam ubi pœnitens est recte dispositus cum vero dolore de peccatis, & proposito non peccandi de cætero, confessarius tenetur statim impêdere absolutionem: sed potest pœnitens esse recte dispositus cum vero dolore, & proposito, quamvis nolet facere consuetudinem: ergo etiam nolens confiteri consuetudinem, debet absolviri; & consequenter pœnitens non tenebitur ad illam confitendum.

5. Confirmatur primò. Ideò enim posset confessarius interrogatione suā cogere ad confitendum cōsuetudinem, ut videat, an expedit negare, aut deferre absolutionem, donec auferat, aut minuat consuetudinem: sed dum pœnitens est recte dispositus cum eo dolore, & proposito, non potest confessarius negare aut deferre absolutionem: ergo neque potest sua interrogatione cogere, ut confiteatur consuetudinem.

6. Confirmatur secundò. Nam pœnitenti dicēti, se habere dolorem de peccatis, & propositum non peccandi de cætero, debet fidem habere confessarius: ergo pœnitens asserens, se habere talem dolorem, & propositum, sive fateatur, sive non fateatur consuetudinem, tenetur confessarius illum absolvere. Et pro antecedentis confirmatione affert multos Authorum textus.

C A-